

瘍醫大全卷三

光華堂梓

蕪湖顧世澄練江氏纂輯

壻錢之栢東陽

男鼎燮用和

全梓

內景圖說

心

小腸

肝

胆


脾

胃

肺


大腸

內景全圖




正腑臟


圖全面



臟腑背

全面圖





心

經曰心者君主之官神明出焉

又曰心者惺也言心氣旺則惺惺而運其神明也
厄言曰心深也言深居高拱相火代之行事也

又曰其合脉也其榮色也開竅於舌

難經曰心重十二兩中有七孔三毛盛精汁三合主

藏神

又曰心象尖圓形如蓮蕊其中有竅多寡不同以導
引天眞之氣下無透竅上通乎舌其有四系以通

四藏心外有赤黃裹脂是爲心包絡心下有膈膜
與脊脇周廻相着遮蔽濁氣使不得上薰心肺也
經曰手少陰經心

又曰其經常少血多氣

又曰午時氣血注於心

黃庭經曰人身神名曰心神丹元字守靈

靈樞曰舌者心之官也心病者舌卷短顙赤

又曰心居肺下肝上

又曰心者在天之熱在地爲火在人爲心在時爲夏

在方爲南在色爲赤通竅於舌經曰南方火也萬
物所以盛長也又曰藏真通於心心藏血脈之氣
也肝木爲母脾土爲子小腸爲腑尅金主血若久
視則傷血司藏神其類火其畜羊一作馬其卦離其
性禮其華面其應四時上爲熒惑星其病在脈其
音徵徵者止也物盛則止也其數七其臭焦其聲
言其氣呵其充血其液汗其味苦外應掌色赤然
赤如帛裹朱不欲如赭靈樞曰心應脈皮厚者脉
厚脉厚者小腸厚更心主熱熱則傷心病主驚熱

痘主紅斑若憂愁思慮則傷心寒氣勝則病其病
候面赤喜笑心煩掌熱而口乾開目妄語臍上動
氣若心實則上竄咬牙口乾喜笑身熱汗血而肋
脇膺背痛滿或叫哭而搐若心虛則恍惚多驚憂
煩少色咳嗽舌強腰背酸疼若心絕則搖頭直視
形如烟薰然心絕者一日死平脉則夏旺七十二
日而脉洪緩洪者浮大而散來疾去遲其賊脉則
沉濡而微與面黑亦逆其危脉鈞如操帶鈞

又曰心主夏其日丙丁南方生熱熱生火火生苦苦

生心心者生之本也神之變也爲陽中之太陽通於夏氣

又曰在變動爲憂在聲爲笑在更爲羽在果爲杏在菜爲薤

仙經曰丹田有三腦爲髓海上丹田心爲絳宮中丹田臍下三寸爲下丹田下丹田藏精之府也中丹田藏神之府也上丹田藏氣之府也

太乙真人曰少思慮養心氣薄滋味養血氣

真誥曰面者神之庭髮者腦之華心憂則面戚腦減

則髮白

回春曰心者一身之主清淨之府外有包絡以羅之
其中精華之聚萃者名之曰神通陰陽察纖毫無
所紊亂

邵子曰神統於心氣統於腎形統於首形氣交而神
主乎其中三才之道也

內經曰太上養神其次養形故養神者必知形之肥
瘦榮衛血氣之盛衰血氣者人之神不可不謹養

也

註云神安則壽延神去則
乎弊故不可不謹養也

又曰天食人以五氣地食人以五味五氣入鼻藏於
心肺上使五色修明音聲能彰五味入口藏於腸
胃味有所藏以養五氣氣和而生津液相成神乃
自生

曜仙曰心者神明之舍中虛不過徑寸而神明居焉
事物之滑如理亂勞如涉驚浸或怵惕或懲創或
喜怒若思慮一日之間一時之頃徑寸之地炎如
火矣若嗜慾一萌卽不善也歸而勿納是與良心
疏也凡七情六慾之生於心皆然故曰心靜可以

通乎神明事未至而先知是不出戶知天下不窺
牖見天道也蓋心如水之撓久而澄清洞見其底
是謂靈明宜乎靜可以固元氣則萬病不生故能
長久若一念旣萌神馳於外氣散於內血隨氣行
榮衛昏亂百病相攻皆因心而生也大槩恬養天
君疾病不作此治心之法也

內經曰心藏神神有餘則笑不休神不足則悲

註云
心藏

脉脉舍神心氣虛則
悲實則笑不休也

皇甫士安曰心虛則悲悲則憂心實則笑笑則喜

經曰神者精氣之化成也

又曰五臟藏七神

心藏神肺藏魄肝藏魂脾藏意腎藏志又曰脾藏意與智腎藏精與

志是謂

七神

又曰心在志爲喜喜傷心恐勝喜

又曰暴喜傷陽

又曰喜怒傷氣

又曰喜怒不節寒暑過度生乃不固

又曰喜則氣緩

蓋喜則氣和志達榮衛通利故氣緩矣

皇甫謐曰喜發於心而成於肺故過節則二藏俱傷

靈樞曰喜樂者神蕩散而不藏

丹溪曰喜傷心者以恐勝之以怒解之

經曰得神者昌失神者亡

失神者謂失精神而昏亂者也

靈樞曰心氣通於舌心和則舌能知五味矣

五藏常內閣於

上七竅也

又曰五藏不和則七竅

七一作九

不通六府不和則留結

爲癰

岐伯曰愁憂恐懼則傷心

難經曰憂愁思慮則傷心

又曰邪客使魂魄不安者血氣少也血氣少者屬於心心氣虛者其人多畏合目欲眠夢遠行而精神離散魂魄妄行陰氣衰者爲癰陽氣衰者爲狂

仲景曰心傷者其人勞倦則頭面赤而下重心中痛而自煩發熱臍上跳其脉弦此爲心藏傷所至也靈樞曰邪在心則病心痛喜悲時眩仆

又曰心實則胃中痛脇支滿脇下痛膺背肩胛間痛兩臂內痛心虛則胃腹大脇下與腰相引而痛又曰腎傳之心病筋脉相引而急名曰癰

經曰心熱者色赤而絡脈溢也

難經曰外證面赤口乾善笑內證臍上有動氣按之
牢若痛其病煩心心痛掌中熱而腕有是者心也
無是者非也

八門曰健忘失記驚悸不安心內懊懣不樂皆心血
少也

內經曰大骨枯槁大肉陷下胃中氣滿喘息不便內
痛引肩項一月死真藏見乃與之期日

註曰此心
之藏也期

後三十
日內死